

Na osnovu člana 35. i člana 131. Statuta Općine Velika Kladuša („Službeni glasnik Općine Velika Kladuša“, broj: 9/07) i člana 88. i 96. stav 1. tačka 2. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), Općinsko vijeće Općine Velika Kladuša na XXXVI sjednici, održanoj 30.11.2011. godine, donijelo je

ODLUKU

Član 1.

Daje se saglasnost na kreditno zaduženje Javnog komunalnog preduzeća „Vodovod i kanalizacija“ d.o.o. Velika Kladuša kod Razvojne banke Federacije Bosne i Hercegovine po kreditnoj liniji „Lokalni razvoj“ u iznosu od 200.000,00 KM.

Član 2.

Daje se ovlaštenje Općinskom načelniku Općine Velika Kladuša da u ime Općine Velika Kladuša izvrši potpisivanje bjanko mjenica u dovoljnom broju kao instrument obezbjeđenja kredita iz člana 1. ove Odluke.

Član 3.

Izdaci na ime anuiteta po osnovu kredita iz člana 1. ove Odluke će se planirati u Budžetu Općine Velika Kladuša kao mogući rashod počev od dospjeća prvog anuiteta do konačne otplate kredita.

Član 4.

Ova Odluka stupa na snagu danom donošenja i objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-295/11
Velika Kladuša, 30.11.2011. godine

Na osnovu člana 8. 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06), člana 24. stav 1. Zakona o unutrašnjoj trgovini („Službene novine Federacije Bosne i Hercegovine“, broj: 40/10), člana 12. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) i člana 35. Statuta Općine Velika Kladuša („Službeni glasnik Općine Velika Kladuša“, broj: 9/07), a u vezi sa članom 40. Zakona o obrtu i srodnim djelatnostima („Službene novine Federacije Bosne i Hercegovine“, broj: 35/09 i 42/11) i članom 11. stav 2. Zakona u ugostiteljskoj djelatnosti („Službene novine Federacije Bosne i Hercegovine“, broj: 32/09), Općinsko vijeće Općine Velika Kladuša na XXXVI sjednici, održanoj 30.11.2011. godine, donijelo je

ODLUKU

o izmjenama i dopunama Odluke o radnom vremenu turističkih, ugostiteljskih, trgovačkih i zanatskih objekata i objekata za priređivanje igara za zabavu i igara na sreću na području općine Velika Kladuša

Član 1.

U Odluci o radnom vremenu turističkih, ugostiteljskih, trgovačkih i zanatskih objekata i objekata za priređivanje igara za zabavu i igara na sreću na području Općine Velika Kladuša („Službeni glasnik Općine Velika Kladuša“, broj: 7/09) u članu 1. stav 1. se mijenja i glasi:

„Ovom Odlukom utvrđuje se radno vrijeme, početak i završetak dnevnog i sedmičnog radnog vremena, uslovi i način odobravanja produženog radnog vremena, te radno vrijeme u dane državnih praznika i neradnih dana, turističkih, ugostiteljskih, trgovačkih i zanatskih objekata i objekata za priređivanje zabavnih igara i igara na sreću“.

Član 2.

U članu 15. Odluke dodaje se dva nova stava koja glase:

„U ugostiteljskim objektima u kojima se vrši priprema i usluživanje hrane, tipa zdravljak, zalogajnica, čevabdžinica, buregdžinica i slično, i u kojima se s obzirom na vrstu objekta ne uslužuju, odnosno ne mogu usluživati alkoholna pića, može se mimo radnog vremena utvrđenog članom 9. ove Odluke odobriti produženo radno vrijeme.

Zahtjev za produženje radnog vremena iz stava 2. ovog člana podnosi vlasnik ugostiteljske radnje i isti mora biti obrazložen“.

Član 3.

U članu 31. Odluke iza riječi „razlozi“, briše se tačka i dodaje tekst koji glasi:

„te rješenjem odobriti produženo radno vrijeme ugostiteljskim objektima u skladu sa članom 15. stav 2. i 3. ove Odluke“.

Član 4.

Ova Odluka stupa na snagu danom objavljivanja u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-296/11
Velika Kladuša, 30.11.2011. godine

Na osnovu člana 35. i člana 131. Statuta Općine Velika Kladuša („Službeni glasnik Općine Velika Kladuša“, broj: 9/07) i člana 88. i 96. stav 1.

tačka 2. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), Općinsko vijeće Općine Velika Kladuša na XXXVI sjednici, održanoj 30.11.2011. godine, donijelo je

ZAKLJUČAK

I

DAJE SE SAGLASNOST na Program rada Komisije za ljudska prava i ravnopravnost spolova Općinskog vijeća Općine Velika Kladuša za period oktobar 2011 – oktobar 2012. kojega je donijela Komisija na svojoj IV sjednici, održanoj 14.09.2011. godine.

II

Ovaj Zaključak stupa na snagu danom donošenja i ima se objaviti u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-297/11
Velika Kladuša, 30.11.2011. godine

Na osnovu člana 35. i člana 131. Statuta Općine Velika Kladuša („Službeni glasnik Općine Velika Kladuša“, broj: 9/07) i člana 88. i 96. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), Općinsko vijeće Općine Velika Kladuša na XXXVI sjednici, održanoj 30.11.2011. godine, donijelo je

ZAKLJUČAK

I

1. Općinsko vijeće Općine Velika Kladuša izražava spremnost da implementira Zakon o ravnopravnosti spolova u Bosni i Hercegovini – prečišćeni tekst („Službeni glasnik Bosne i Hercegovine“, broj: 32/10) na području Općine Velika Kladuša.

2. Polazeći od toga, a imajući u vidu potrebu da svim građanima i građankama Općine Velika Kladuša treba stvoriti takve uslove da ravnopravno budu prisutni u svim područjima javnog i privatnog života, da imaju jednak status, jednake mogućnosti za ostvarivanje svih prava i jednaku korist od ostvarenih rezultata, Općinsko vijeće će posebno poduzimati sve potrebne mjere da se dosljedno implementira član 24. Zakona o ravnopravnosti spolova u Bosni i Hercegovini.

3. Općinsko vijeće će donijeti Program mjera radi postizanja ravnopravnosti spolova u oblastima iz samoupravnog djelokruga Općine Velika Kladuša kojem će prethoditi analiza stanja ravnopravnosti spolova na području Općine Velika Kladuša.

4. Općinsko vijeće podržava kontinuirano jačanje kapaciteta članova i članica Komisije za ljudska prava i ravnopravnost spolova kroz edukaciju.

5. Obavezuje se Komisija za ljudska prava i ravnopravnost spolova da pokrene inicijativu za uspostavu institucionalnog okvira u okviru općinske izvršne vlasti koja će se baviti pitanjima ravnopravnosti spolova.

6. Općinsko vijeće podržava kontinuiranu edukaciju šire javnosti (građana i građanki Općine Velika Kladuša) o značaju ostvarivanja principa ravnopravnosti spolova u svim oblastima društvanog i privatnog života. U tom smislu Općinsko vijeće će podržavati projekte nevladinih organizacija čiji je cilj podizanje svijesti o značaju ravnopravnosti spolova uključujući i potrebu osiguranja ravnopravne zastupljenosti spolova u svim procesima upravljanja i odlučivanja u javnom životu na području Općine Velika Kladuša.

7. Općinsko vijeće će najmanje jednom godišnje razmatrati problematiku ravnopravnosti spolova na području Općine Velika Kladuša.

8. Budžetom Općine će se planirati sredstva za programe mjera radi ostvarivanja ravnopravnosti spolova na području Općine Velika Kladuša.

9. Nalaže se Javnoj ustanovi Centar za socijalni rad Velika Kladuša da redovno izrađuje godišnje informacije o stanju „nasilja u porodici“ i „nasilja nad ženama“ na području općine Velika Kladuša i da iste dostavlja Općinskom vijeću na razmatranje u prvom kvartalu tekuće za prethodnu godinu.

II

Ovaj Zaključak stupa na snagu danom donošenja i ima se objaviti u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-297-1/11
Velika Kladuša, 30.11.2011. godine

Na osnovu člana 35. i člana 131. stav 3. Statuta Općine Velika Kladuša („Službeni glasnik Općine Velika Kladuša“, broj: 9/07), člana 88. stav 1. i člana 96. stav 1. tačka 2. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), a saglasno odredbama člana 9. stav 1. tačka 1. Odluke o zadržavanju prava i obaveza Općinskog vijeća Općine Velika Kladuša (Osnivača) prema Javnoj ustanovi Centar za kulturu i obrazovanje „Zuhdija Žalić“ Velika Kladuša („Službeni glasnik Općine Velika Kladuša“, broj: 7/98, 3/06. i 10/06), Općinsko vijeće Općine Velika Kladuša

na XXXVI sjednici, održanoj 30.11.2011. godine, donijelo je

ZAKLJUČAK

I

Daje se saglasnost na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Javne ustanove Centar za kulturu i obrazovanje „Zuhdija Žalić“ Velika Kladuša, kojega je donio Upravni odbor Javne ustanove na sjednici održanoj 09.11.2011. godine.

II

Ovaj Zaključak stupa na snagu danom objavljivanja u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVALAČI
OPĆINSKOG VIJEĆA
Sejfo Mustafić, s.r

Broj: 01-05-298/11
Velika Kladuša, 30.11.2011. godine

Na osnovu člana 35. i člana 131. stav 3. Statuta Općine Velika Kladuša („Službeni glasnik Općine Velika Kladuša“, broj: 9/07), člana 88. i 96. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), razmatrajući Informaciju o provođenju Odluke o komunalnom redu i Odluke o komunalnoj naknadi na području općine Velika Kladuša, Službe prostornog uređenja, komunalnih i stambenih djelatnosti, Općinskog organa uprave Općine Velika Kladuša, Općinsko vijeće Općine Velika Kladuša na XXXVI sjednici, održanoj 30.11.2011. godine, donijelo je

ZAKLJUČAK

I

PRIHVATA SE Informacija o provođenju Odluke o komunalnom redu i Odluke o komunalnoj naknadi na području općine Velika Kladuša, Službe prostornog uređenja, komunalnih i stambenih djelatnosti, Općinskog organa uprave Općine Velika Kladuša, bez primjedbi.

II

Ovaj Zaključak stupa na snagu danom donošenja i objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVALAČI
OPĆINSKOG VIJEĆA
Sejfo Mustafić, s.r

Broj: 01-05-299/11
Velika Kladuša, 30.11.2011. godine

Na osnovu člana 35. i člana 131. stav 3. Statuta Općine Velika Kladuša („Službeni glasnik Općine Velika Kladuša“, broj: 9/07), člana 88. i 96. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), razmatrajući Informaciju o provođenju Odluke o obavezi uklanjanja i uništavanja ambrozije na području Općine Velika Kladuša, Službe prostornog uređenja, komunalnih i stambenih djelatnosti, Općinskog organa uprave Općine Velika Kladuša, Općinsko vijeće Općine Velika Kladuša na XXXVI sjednici, održanoj 30.11.2011. godine, donijelo je

ZAKLJUČAK

I

1. PRIHVATA SE Informacija o provođenju Odluke o obavezi uklanjanja i uništavanja ambrozije na području Općine Velika Kladuša, Službe prostornog uređenja, komunalnih i stambenih djelatnosti, Općinskog organa uprave Općine Velika Kladuša, bez primjedbi.

2. Nalaže se nadležnoj inspekciji Općinskog organa uprave Općine Velika Kladuša, da u postupku vršenja nadzora nad provođenjem Odluke o obavezi uklanjanja i uništavanja ambrozije na području Općine Velika Kladuša postupajuće aktivnosti proširi i na pravne subjekte, vlasnike parcela na kojima se pojavljuje ambrozija i iste blagovremeno i na odgovarajući način upozorava na obaveze koje proizlaze iz Odluke.

II

Ovaj Zaključak stupa na snagu danom donošenja i objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVALAČI
OPĆINSKOG VIJEĆA
Sejfo Mustafić, s.r.

Broj: 01-05-300/11
Velika Kladuša, 30.11.2011. godine

Na osnovu člana 35. i člana 131. stav 3. Statuta Općine Velika Kladuša („Službeni glasnik Općine Velika Kladuša“, broj: 9/07), člana 88. i 96. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), razmatrajući Informaciju o uklanjanju minsko – eksplozivnih sredstava zaostalih iz prethodnog rata na području Općine Velika Kladuša u 2010. godini, Službe civilne zaštite i zaštite od požara, Općinskog organa uprave Općine Velika Kladuša, Općinsko vijeće Općine Velika Kladuša na XXXVI sjednici, održanoj 30.11.2011. godine, donijelo je

ZAKLJUČAK**I**

PRIHVATA SE Informacija o uklanjanju minsko – eksplozivnih sredstava zaostalih iz prethodnog rata na području Općine Velika Kladuša u 2010. godini, Službe civilne zaštite i zaštite od požara, Općinskog organa uprave Općine Velika Kladuša, bez primjedbi.

II

Ovaj Zaključak stupa na snagu danom donošenja i objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-301/11
Velika Kladuša, 30.11.2011. godine

Na osnovu člana 35. i člana 131. stav 3. Statuta Općine Velika Kladuša („Službeni glasnik Općine Velika Kladuša“, broj: 9/07), člana 88. i 96. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), razmatrajući Informaciju o stanju kanalizacione mreže Grada Velika Kladuša, Javnog komunalnog preduzeća „Vodovod i kanalizacija“ d.o.o. Velika Kladuša, Općinsko vijeće Općine Velika Kladuša na XXXVI sjednici, održanoj 30.11.2011. godine, donijelo je

ZAKLJUČAK**I**

1. **PRIHVATA SE** Informacija o stanju kanalizacione mreže Grada Velika Kladuša, Javnog komunalnog preduzeća „Vodovod i kanalizacija“ d.o.o. Velika Kladuša, bez primjedbi.

2. Nalaže se menadžmentima i nadzornim odborima Javnog komunalnog preduzeća „Vodovod i kanalizacija“ d.o.o. Velika Kladuša i Javnog komunalnog uslužnog preduzeća „Komunalije“ d.o.o. Velika Kladuša, da izuče osnivačka i druga normativna akta preduzeća i po potrebi predlože izmjene osnivačkih akata u cilju dodatnog i preciznijeg razgraničenja osnovnih djelatnosti javnih komunalnih preduzeća.

II

Ovaj Zaključak stupa na snagu danom donošenja i objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-302/11
Velika Kladuša, 30.11.2011. godine

Na osnovu člana 35. i člana 131. stav 3. Statuta Općine Velika Kladuša („Službeni glasnik Općine Velika Kladuša“, broj: 9/07), člana 88. i 96. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), razmatrajući Informaciju o završetku školske 2010/2011. godine u srednjim školama na području Općine Velika Kladuša, Službe opće uprave i društvenih djelatnosti, Općinskog organa uprave Općine Velika Kladuša, Općinsko vijeće Općine Velika Kladuša na XXXVI sjednici, održanoj 30.11.2011. godine, donijelo je

ZAKLJUČAK**I**

PRIHVATA SE Informacija o završetku školske 2010/2011. godine u srednjim školama na području Općine Velika Kladuša, Službe opće uprave i društvenih djelatnosti, Općinskog organa uprave Općine Velika Kladuša, bez primjedbi.

II

Ovaj Zaključak stupa na snagu danom donošenja i objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA
Sejfo Mustafić, s.r.

Broj: 01-05-303/11
Velika Kladuša, 30.11.2011. godine

Na osnovu člana 35. i člana 131. stav 3. Statuta Općine Velika Kladuša („Službeni glasnik Općine Velika Kladuša“, broj: 9/07), člana 88. i 96. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), razmatrajući Informaciju o početku školske 2011/2012. godine u srednjem obrazovanju na području Općine Velika Kladuša, Službe opće uprave i društvenih djelatnosti, Općinskog organa uprave Općine Velika Kladuša, Općinsko vijeće Općine Velika Kladuša na XXXVI sjednici, održanoj 30.11.2011. godine, donijelo je

ZAKLJUČAK**I**

PRIHVATA SE Informacija o početku školske 2011/2012. godine u srednjem obrazovanju na području Općine Velika Kladuša, Službe opće uprave i društvenih djelatnosti, Općinskog organa uprave Općine Velika Kladuša, bez primjedbi.

II

Ovaj Zaključak stupa na snagu danom donošenja i objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVALAČ
OPĆINSKOG VIJEĆA
Sejfo Mustafić, s.r.

Broj: 01-05-304/11
Velika Kladuša, 30.11.2011. godine

Na osnovu člana 35. i člana 131. stav 3. Statuta Općine Velika Kladuša („Službeni glasnik Općine Velika Kladuša“, broj: 9/07), člana 88. i 96. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 9/07), razmatrajući Informaciju o završetku školske 2010/2011. godine u srednjim školama Općine Velika Kladuša i Informaciju o početku školske 2011/2012. godine u srednjem obrazovanju na području Općine Velika Kladuša, Službe opće uprave i društvenih djelatnosti, Općinskog organa uprave Općine Velika Kladuša, Općinsko vijeće Općine Velika Kladuša na XXXVI sjednici, održanoj 30.11.2011. godine, donijelo je

ZAKLJUČAK**I**

Nalaže se Komsiji za pitanja mladih Općinskog vijeća Općine Velika Kladuša da u skladu sa svojim nadležnostima u narednom periodu na odgovarajući način programira provođenje aktivnosti koje proizlaze iz stanja konstatiranog u oblasti srednjeg obrazovanja na području Općine Velika Kladuša.

II

Ovaj Zaključak stupa na snagu danom donošenja i objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVALAČ
OPĆINSKOG VIJEĆA
Sejfo Mustafić, s.r.

Broj: 01-05-305/11
Velika Kladuša, 30.11.2011. godine

Na osnovu člana 49. Statuta Općine Velika Kladuša („Službeni glasnik Općine Velika Kladuša“, broj: 9/07) i člana 2. Odluke o proglašenju Općinskih stanova kadrovskim stanovima („Službeni glasnik Općine Velika Kladuša“, broj: 01/11) Općinski načelnik donosi:

PRAVILNIK

**O DODJELI KADROVSKIH STANOVA
UPOSLENICIMA JEDINSTVENOG OPĆINSKOG
ORGANA UPRAVE OPĆINE VELIKA KLADUŠA I
JAVNIH USTANOVA KOJIMA JE OPĆINA VELIKA
KLADUŠA OSNIVAČ**

I OPĆE ODREDBE**Član 1.**

Ovim Pravilnikom utvrđuju se uvjeti, kriteriji, način i postupak dodjele kadrovskih stanova uposlenicima Jedininstvenog općinskog organa uprave Općine Velika Kladuša i javnih ustanova kojima je Općina Velika Kladuša osnivač.

Član 2.

Odlukom Općinskog vijeća Općine Velika Kladuša, broj: 01-05-39/2011 od 17.02.2011. godine proglašeni su kadrovskim stanovima koji su pod upravom Jedininstvenog općinskog organa uprave Općine Velika Kladuša i to:

- 1) stan u ulici Maršala Tita, diletacija B/2, broj: 10, III sprat, 60 m²,
- 2) stan u ulici Maršala Tita, diletacija B/2, broj: 6, II sprat, 60,94 m²,
- 3) stan u ulici Maršala Tita, zgrada P-3, broj: 1, ulaz II, prizemlje, 19 m²,
- 4) stan u ulici Maršala Tita, zgrada P-3, broj: 3, ulaz I, I sprat, 45,72 m²,
- 5) stan u ulici Ibrahima Mržljaka, Redžića ograde I, broj: 12, ulaz I, IV sprat, 50,81 m²,
- 6) stan u ulici Ibrahima Mržljaka, Redžića ograde I, broj: 7, ulaz IV, I sprat, 61,94 m²,
- 7) stan u ulici Ibrahima Mržljaka, Redžića ograde I, broj: 19, ulaz IV, IV sprat, 30,15 m²,
- 8) stan u naselju Zagrad – Brezici (montažna kuća), broj: 47, 55,67 m²,
- 9) stan u naselju Zagrad – Brezici (montažna kuća), broj: 45, 55,67 m².

II PRAVO NA RJEŠAVANJE STAMBENIH POTREBA**Član 3.**

(1) Pravo na rješavanje stambenih potreba u skladu sa ovim Pravilnikom imaju uposlenici Jedininstvenog općinskog organa uprave Općine Velika Kladuša i uposlenici javnih ustanova kojima je Općina Velika Kladuša osnivač koji imaju najmanje visoku stručnu spremu (u daljem tekstu uposlenici), i to pod uvjetom da uposlenik ili član njegovog porodičnog domaćinstva:

- 1) nema stan ili stambeni objekat uvjetan za stanovanje u vlasništvu ili suvlasništvu na području Unsko-sanskog kantona,
- 2) nije imao stan ili stambeni objekat u vlasništvu ili suvlasništvu na području Unsko-sanskog kantona kojeg je prodao, poklonio ili na drugi način svojevolumno izgubio pravo vlasništva ili suvlasništva,

(2) Pod članom porodičnog domaćinstva u smislu ovog pravilnika podrazumijeva se supružnik i dijete ukoliko žive u zajedničkom domaćinstvu.

(3) Uvjetnost iz stava (1) alineja 1) utvrđuje komisija za dodjelu kadrovskih stanova.

(4) Općinski načelnik, rukovodeći se potrebama Općinskog organa uprave i javnih ustanova za kadrovima u vrijeme raspisivanja internog oglasa, može odstupiti od uvjeta iz stava 1. alineja 1) i 2) ovog člana.

III KRITERIJI ZA RJEŠAVANJE STAMBENIH POTREBA

Član 4.

(1) Stambene potrebe uposlenika rješavaju se na osnovu slijedećih kriterija:

- a) stručna sprema,
- b) radno mjesto,

(2) Ukoliko primjenom kriterija iz ovog pravilnika dva ili više zaposlenih imaju isti broj bodova, prioritet u rješavanju stambene potrebe određuje se prema redoslijedu kriterija utvrđenih ovim članom.

Član 5.

Stručna sprema se vrijednuje po dva kriterija i

to:

- a) visina stručne spreme
 - 1) VIII stepen - doktorat 20 bodova,
 - 2) VII/2 stepen - magisterij 15 bodova,
 - 3) VII stepen - visoka stručna sprema 10 bodova.
- b) vrsta stručne spreme/fakultet koju općinski načelnik, rukovodeći se potrebama Općinskog organa uprave i javnih ustanova za kadrovima u vrijeme raspisivanja internog oglasa odredi rješenjem iz člana 8. stav 3. kao prioritet, vrijednuje se sa 20 bodova

Član 6.

Radno mjesto se vrijednuje na slijedeći način:

- a) sekretar Općinskog organa uprave i pomoćnik općinskog načelnika 10 bodova,
- b) direktor javne ustanove 9 bodova,
- c) šef odsjeka 8 bodova,
- d) građevinski inspektor 7 bodova,
- e) komunalni inspektor 6 bodova,
- f) stručni savjetnik 5 bodova,
- g) viši stručni saradnik 4 boda,
- h) stručni saradnik i stručni radnik u javnoj ustanovi 3 boda.

IV POSTUPAK RJEŠAVANJA STAMBENIH POTREBA

Član 7.

(1) Općinski načelnik rješenjem imenuje komisiju za dodjelu kadrovskih stanova (u daljem tekstu Komisija).

(2) Komisija se sastoji od predsjednika, sekretara i tri člana.

(3) Komisija odlučuje većinom glasova.

Član 8.

(1) Općinski načelnik objavljuje na oglasnoj tabli Jedinstvenog općinskog organa uprave Općine Velika Kladuša i javnih ustanova kojima je općina osnivač interni oglas za dodjelu kadrovskih stanova.

(2) U inetnom oglasu koji ostaje otvoren 15 dana od dana objavljivanja, obavezno se navodi: broj, površina i adresa/lokacija stanova, uvjeti, dokumentacija koju je potrebno dostaviti i rok do kad je oglas otvoren.

(3) Općinski načelnik posebnim rješenjem utvrđuje koji kadrovski stanovi iz člana 2. ovog pravilnika se objavljuju u internom oglasu za dodjelu kadrovskih stanova, kojim stručnim spremama/fakultetima se daje prioritet, kada se objavljuje interni oglas i kada se otvaraju prijave po internom oglasu.

Član 9.

(1) Komisija zaprima prijave na interni oglas, otvara iste na utvrđeni datum, te utvrđuje rang listu kandidata, koji ispunjavaju uvjete, u skladu sa kriterijima iz ovog Pravilnika.

(2) Utvrđenu rang listu sa svom dokumentacijom i izvještajem/zapisnikom o radu dostavlja općinskom načelniku.

(3) Kandidate koji ne ispunjavaju uvjete iz člana 3. ovog Pravilnika, ili nemaju potpunu dokumentaciju koja je tražena internim oglasom Komisija će pismeno obavijestiti o tome i isti neće biti uvršteni na rang listu.

(4) Kandidati koji ne ispunjavaju uvjete mogu, na obavijest Komisije, podnijeti prigovor općinskom načelniku u roku od dva dana od dana prijema obavijesti.

Član 10.

(1) Općinski načelnik u skladu sa utvrđenom rang listom donosi pojedinačna rješenja o dodjeli kadrovskih stanova uposlenicima, a objavljuju se na oglasnoj tabli Jedinstvenog općinskog organa uprave.

(2) Na rješenje o dodjeli kadrovskih stanova uposlenicima kandidati mogu uložiti prigovor općinskom načelniku u roku od 8 dana od dana prijema rješenja.

Član 11.

Općinski načelnik, rukovodeći se potrebama Općinskog organa uprave i javnih ustanova za kadrovima može rješenjem vršiti dodjelu kadrovskih stanova uposelnicima bez internog oglasa.

Član 12.

(1) Rješenjem iz člana 10. i 11. ovog Pravilnika utvrđuje se

- a) uposlenik kojem se dodjeljuje stan,
- b) osnovni podaci stana koji se dodjeljuje, a naročito: površina, lokacija i sprat,
- c) rok na koji se stan dodjeljuje,
- d) da uposlenik kojem se dodjeljuje stan gubi pravo na stan ukoliko prestane ispunjavati uvjete iz člana 3. ovog Pravilnika.

(2) Rok iz stava 1. tačka c) ne može biti duži od pet godina. Izuzetno, nakon isteka roka od pet godina, općinski načelnik može produžiti rok za, najduže, tri godine.

V ZAVRŠNE ODREDBE**Član 13.**

Ovaj Pravilnik stupa na snagu danom donošenja, a objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulatić, s.r.

Broj: 02-23/7-3908/11
Velika Kladuša, 03.11.2011. godine

Općinski načelnik Općine Velika Kladuša, na prijedlog Službe za lokalni ekonomski razvoj i poduzetništvo, u skladu sa članom 9. Odluke o davanju u zakup poljoprivrednog zemljišta u državnom vlasništvu na području općine Velika Kladuša („Službeni glasnik Općine Velika Kladuša”, broj: 6/11 i 10/11), poglavljem IV Programa o korištenju poljoprivrednog zemljišta na području Općine Velika Kladuša („Službeni glasnik Općine Velika Kladuša”, broj: 4/11) i članom 49. Statuta Općine Velika Kladuša („Službeni glasnik Općine Velika Kladuša”, broj: 9/07), donosi:

RJEŠENJE

o imenovanju Komisije za utvrđivanje poljoprivrednog zemljišta u državnom vlasništvu koje se daje u zakup na području općine Velika Kladuša

I

Ovim Rješenjem imenuje se stručna Komisija za utvrđivanje poljoprivrednog zemljišta u državnom

vlasništvu koje se daje u zakup na području općine Velika Kladuša.

Stručna Komisija se imenuje od državnih službenika i namještenika Jedinstvenog općinskog organa uprave Općine Velika Kladuša, u sastavu:

1. Fikret Dizdarević, dipl. ing. poljoprivrede, predsjednik,
2. Sead Sarajlija, ecc, član,
3. Mirsad Muhamedagić, geometar, član.

II

Zadatak stručne komisije je da neposrednim uvidom na licu mjesta (identifikacijom, neposrednim uviđajem i zapažanjem) utvrdi poljoprivredno zemljište koje će biti predmet davanja u zakup iz poglavlja II Programa korištenja poljoprivrednog zemljišta i člana 2. Odluke o davanju u zakup poljoprivrednog zemljišta u državnom vlasništvu na području općine Velika Kladuša.

III

Komisija je dužna voditi zapisnik o svom radu. Članovi Komisije odgovorni su za svoj rad Općinskom načelniku.

Mandat Komisije traje četiri godine.

IV

Radom Komisije rukovodi predsjednik Komisije i on uspostavlja potrebne komunikacije sa strankom i drugim licima u postupku.

V

Ovo Rješenje stupa na snagu danom donošenja a ima se objaviti u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulatić, s.r.

Broj: 06-02-3916/11
Velika Kladuša, 03.11.2011. godine

Na osnovu 7. Zakona o izboru, predstanku mandata i zamjeni načelnika općine u Federaciji Bosne i Hercegovine («Službene novine Federacije Bosne i Hercegovine», broj: 21/08) i člana 49. Statuta Općine Velika Kladuša («Službeni glasnik Općine Velika Kladuša», broj: 9/07), Općinski načelnik Općine Velika Kladuša, donosi

ZAKLJUČAK**I**

Ovlašćuje se Ibrahim Nizandžić, savjetnik Općinskog načelnika, da u ime Općinskog načelnika izvrši potpisivanje Anexa I na Ugovor o osnivanju

Regionalne deponije „US REG-DEP“ Bihać, od 07.05.2011. godine.

II

Ovlašćenje vrijedi samo u slučaju potpisivanja Anexa I na Ugovor iz člana I ovog Zaključka.

III

Ovaj Zaključak stupa na snagu odmah, a objavit će se u «Službenom glasniku Općine Velika Kladuša»

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 02-05-4096/11
Velika Kladuša, 17.11.2011. godine

Na osnovu člana 34. Zakona o budžetima Federacije Bosne i Hercegovine („Službene novine Federacije Bosne i Hercegovine“, broj: 19/06), člana 3. stava 2. Odluke o budžetu Općine Velika Kladuša za 2011. godinu („Službeni glasnik Općine Velika Kladuša“, broj: 2/11), a u skladu sa članom 49. Statuta Općine Velika Kladuša („Službeni glasnik Općine Velika Kladuša“, broj: 9/07), Općinski načelnik Općine Velika Kladuša, donio je:

Z A K L J U Č A K

I

Odobravaju se sredstva iz budžetske rezerve za 2011. godinu u iznosu od 599,51 KM (Slovima: petstotinadevedesetdevet KM i 51/100), kao trošak Općine Velika Kladuša za nabavku i podjelu sendviča i sokova učenicima, kao učesnicima «Smotre tehničkog znanja i stvaralaštva» održanog u Velikoj Kladuši, po računu broj: 18, od 31.05.2011. godine, ispostavljenog od dobavljača «Kija-merc» d.o.o. Velika Kladuša

II

Ovaj Zaključak stupa na snagu danom donošenja, a ima se objaviti u “Službenom glasniku Općine Velika Kladuša”.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 05-14-1749-1/11
Velika Kladuša, 15.06.2011. godine

Na osnovu člana 34. Zakona o budžetima Federacije Bosne i Hercegovine („Službene novine Federacije Bosne i Hercegovine“, broj: 19/06), člana 3. stava 2. Odluke o budžetu Općine Velika Kladuša za 2011. godinu („Službeni glasnik Općine Velika Kladuša“, broj: 2/11), a u skladu sa članom 49. Statuta Općine Velika Kladuša („Službeni glasnik Općine Velika Kladuša“, broj: 9/07), Općinski načelnik Općine Velika Kladuša, donio je:

Z A K L J U Č A K

I

Odobravaju se sredstva iz budžetske rezerve za 2011. godinu u iznosu od 60,00 KM (Slovima: šezdeset KM i 51/100), kao trošak Općine Velika Kladuša za nabavku i podjelu sendviča učesnicima skupa spasa «Agrokomerca» d.d. Velika Kladuša, po računu broj: 4, od 31.01.2011. godine, ispostavljenog od dobavljača «Kija-merc» d.o.o. Velika Kladuša

II

Ovaj Zaključak stupa na snagu danom donošenja, a ima se objaviti u “Službenom glasniku Općine Velika Kladuša”.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 05-14-1717-1/11
Velika Kladuša, 14.06.2011. godine

Na osnovu člana 34. Zakona o budžetima Federacije Bosne i Hercegovine („Službene novine Federacije Bosne i Hercegovine“, broj: 19/06), člana 3. stava 2. Odluke o budžetu Općine Velika Kladuša za 2011. godinu („Službeni glasnik Općine Velika Kladuša“, broj: 2/11), a u skladu sa članom 49. Statuta Općine Velika Kladuša („Službeni glasnik Općine Velika Kladuša“, broj: 9/07), Općinski načelnik Općine Velika Kladuša, donio je:

Z A K L J U Č A K

I

Odobravaju se sredstva iz granta «Rekonstrukcija školskih objekata» za 2011. godinu u iznosu od 1.141,02 KM (Slovima: hiljadu stočetredesetjedna KM i 02/100), kao trošak Općine Velika Kladuša za izradu reklama, zahvalnica i graviranih pločica povodom otvaranje područne škole Donja Vidovska, po računu broj: 0192, od 02.06.2011. godine, ispostavljenog od dobavljača «Tampeldo» d.o.o. Velika Kladuša

II

Ovaj Zaključak stupa na snagu danom donošenja, a ima se objaviti u “Službenom glasniku Općine Velika Kladuša”.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 05-14-1718-1/11
Velika Kladuša, 14.06.2011. godine

Na osnovu člana 49. Statuta Općine Velika Kladuša („Službeni glasnik Općine Velika Kladuša“, broj: 9/07), Općinski načelnik Općine Velika Kladuša, donio je:

Z A K L J U Č A K

I

Odobravaju se sredstva sa ekonomskog koda Jedinstvenog organa uprave Općine Velika Kladuša za 2011. godinu u iznosu od 1.231,85 KM (Slovima: hiljadadvijestotinetridesetjedna KM i 85/100), kao učešće Općine Velika Kladuša za podršku u organizaciji «Susreta novinara BiH» čiji je domaćin RTV BIH-ITC Bihać iz Bihaća, tereteći ekonomski kod «usluge medija».

Odobrena sredstva prenijet će se na račun Jedinstvenog organa uprave Općine Velika Kladuša, broj: 3060640001017856 koji se vodi kod Hypo Group Alpe Adria banke u Velikoj Kladuši.

II

Ovaj Zaključak stupa na snagu danom donošenja, a ima se objaviti u “Službenom glasniku Općine Velika Kladuša”.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Admil Mulalić, s.r.

Broj: 05-14-3452-1/11
Velika Kladuša, 01.11.2011. godine
